



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXX. Privilegia Collegii Scotorum Parisien.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



Dat. 24. Febr. 1696. An. 5.

INNOCENTIUS PAPA XII.

Ad futuram rei memoriam.

Exordium.

**S**alutaris, & Domini Nostri Jesu Christi, qui pro humani Generis Redemptione se ipsum exinanivit, factus obediens usque ad mortem, vices (licet immeriti) gerentes in Terris inter multiplices, gravissimasque Apostolicæ servitutis curas in eam præcipuæ Pastoralis sollicitudinis vigilantia incumbimus, ut tanti, & tam salubris mysterii monumenta, quæ in Civitate Hierusalem, & locis circumvicinis sunt, conserventur, & omni qua fieri poterit, majori honorificentia recolantur.

Ab Urb. VIII. inuncti fuit Ordinarius locorum, & Generalibus Ordinibus, ut bis in anno citarent exponi necessitates dd. Locorum.

§. 1. Cum itaque se. re. Urbano Papæ VIII. Prædecessori Nostro alias, exposito, quod Ecclesiæ, & alia loca pia in Civitate Hierusalem, & aliis locis Terræ Sanctæ existentia fere diruta erant, & quæ adhuc ibi existebant Monasteria ære alieno ob impiam Turcarum, Hæreticorum, & Schismaticorum Tyrannidem, & pro Sanctæ Fidei Catholicæ in eisdem locis servatione contracto admodum gravata reperiebantur; Idem Urbanus Prædecessor Patriarchis, Archiepiscopis, Episcopis & aliis locorum Ordinariis, necnon omnibus, & singulis quorumvis Ordinum, ac Congregationum, & Institutum regularium Generalibus commiserit, & mandaverit, ut ad minus duabus vicibus quolibet Adventus, & Quadragesimæ temporibus tam per verbi Dei Prædicatores in suis Sacris Concionibus, quam in actionibus, & functionibus publicis necessitates eorumdem Sacrorum Monumentorum Populo proponi, & commendari curarent, & facerent, & alias prout in ejusdem Urbani Prædecessoris Literis desuper in simili forma Brevis die 3. Februarii 1634. expeditis, quarum tenorem præsentibus pro plene, & sufficienter expresso, & inserto haberi volumus, uberius continetur. Et sicut pro parte dilecti filii Hieronymi Roavuls Ordinis Minorum S. Francisci Recollectorum, seu de Observantia nuncupatorum professoris pro Gallia Commissarii Generalis ejusdem Terræ Sanctæ Nobis nuper expositum fuit, ipse, quo prædictæ Urbani Prædecessoris Literæ, quæ a re. me. Innocentio X. & Clemente etiam X. Romanis Pontificibus Prædecessoribus pariter Nostri confirmatæ fuerunt, exactius observentur illas per Nos pariter confirmari, & innovari desideret: Nos eorumdem Sacrorum Monumentorum servationi, & mantentioni consulere volentes, de ven. fratrum Nostrorum S. R. E. Cardinalium negotii Propagandæ Fidei præpositorum consilio, prædictas Urbani Prædecessoris Literas Apostolica auctoritate tenore præsentium confirmamus pariter, & approbamus, illasque innovamus, & observari mandamus.

Preces Commissarii Terræ S. in Gallia pro confirmatione d. Constitutionis ab aliis Pontif. confirmatæ.

Confirmatio Constitutionis Urb. VIII.

§. 2. Volumus autem, ut Patriarchæ, Archiepiscopi, & Episcopi, prædicti in relatione status suarum Ecclesiarum, quando visitabunt limina Apostolorum facienda, referant se prædictis Urbani Prædecessoribus, & præsentibus Literis Nostri paruisse, contrariis non obstantibus quibuscumque.

Clausula.

§. 3. Volumus insuper, ut earundem præsentium transumptis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides, ubique locorum habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XXIV. Febr. MDCXCVI. Pontificatus Nostri Anno Quinto.

Confirmantur Privilegia Pauli V. & Urb. VIII. concessa Collegio Scriptorum Parisien. cum concessione facultatis suscipiendi Ordines non servatis Interstitiis.

Laudatæ Constitutiones hic referuntur quarum prima edita fuit 1617. Maii 27. Pont. 12. altera vero 1543. Jan. 11. Pont. 20. Constit. ed. 1692. Mart. I. Pont. 1. concessa fuit Collegio S. Ant. Civit. Coscan. facultas conferendi gradus Scholasticos. Et Clem. XI. Constit. edit. 1701. Maii 30. Pont. 1. erigitur Collegium Urbinaten. cum pluribus privilegiis.

LXX.

INNOCENTIUS PAPA XII.

Ad futuram rei memoriam.

**D**udum felic. record. Paulus Papa V. Prædecessor Noster Collegio Nationis Scriptorum Parisien. ejusque Superioribus, & Alumnis nonnulla Privilegia, facultates, gratias, & indulta concessit per quasdam suas desuper in simili forma Brevis expeditas Literas tenoris, qui sequitur, videlicet.

§. 1. PAULUS PAPA V. Ad futuram rei memoriam. Dilectos filios Alumnos Collegii Nationis Scriptorum Parisienfis specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum ferie absolventes, & absolutas fore censentes, supplicationibus dilecti filii Nostri Matthæi tituli Sancti Honuphrii Presbyteri Cardinalis Barberini nuncupati Regni Scotiæ apud Nos, & Apostolicam Sedem Protectoris Nobis super hoc humiliter porrectis inclinatis, ejusdem Collegii Superioribus ut arbitrio venerabilis fratris Guidonis Archiepiscopi Rhodiensis moderni, & pro tempore existentis Sedis prædictæ in Regno Franciæ commorantis Nuncii in privato dicti Collegii Oratorio ad hoc decenter muro extructo, & ornato, seu extruendo, & ornando ab omnibus domesticis usibus libero, per ordinarium Loci prius visitando, & approbando, Sacrosanctum Missæ Sacrificium in sua, ac Alumnorum, & aliarum personarum dicti Collegii præsentia celebrare, seu celebrari facere, necnon eisdem Alumnis, ut absque Literis dimissorialibus suorum Ordinariorum, ac etiam sine titulo Beneficii Ecclesiastici, vel Patrimonii, sed ad titulum tantam paupertatis a quocumque, quem maluerint, Catholico Antistite gratiam, & communionem Sedis prædictæ habente, in propria Diocesi residente, vel in aliena Diocesani loci consensu Pontificalia exercente per eos eligendo Clericali Characterè insigniri, & ad quatuor minores, necnon Sacros Subdiaconatus, Diaconatus, & Presbyteratus Ordines in temporibus ad id a Jure statutis, dummodo tamen proprio examine ad id reperti fuerint idonei, & nullum eis aliud Canonicum obset impedimentum, necnon testimonio Rectoris, & Superiorum dicti Collegii commendantur, specialemque ab ipsis licentiam obtineant, ac servatis aliis servandis promoveri, & promoti in illis etiam in Altaris ministerio ministrare libere, & licite possint, & valeant auctoritate Apostolica tenore præsentium, concedimus, & indulgemus, ac tam Antistiti, ut præfertur, eligendo, quam Alumnis præfatis licentiam desuper impartimur, non obstantibus Apostolicis, ac in Universalibus, Provincialibus, & Synodalibus Conciliis editis generalibus, vel

Dat. 27. Apr. 1694. An. 3.

Constit. Paul. V. qua concessa fuit facultas celebrandi in Oratorio privato, & suscipiendi Ordines a quocumque Antistite ad tit. paupertatis, & sine dimissoriis ordinari.

specialibus



specialibus Constitutionibus, & Ordinationibus, cæterisque contrariis quibuscumque. Datum Romæ apud Sanctam Mariam Majorem sub Annulo Piscatoris die 27. Maji 1617. Pontificatus Nostri Anno 12. Subinde vero recol. mem. Urbanus Papa VIII. etiam Prædecessor Noster ad favorem eorumdem Alumnorum alias suas pariter in forma Brevis Literas edidit tenoris sequentis, videlicet :

Conf. Urb. VIII. qua præter ad concessa fuit facultas suscipiendi Ordines extra tempora, & Indulg. Plen.

§. 2. *URBANUS PAPA VIII. ad futuram rei memoriam.* Ut Alumni Collegii Scoti in Civitate Parisiensi Canonice erecti eo ad literarum studia profectura, spiritualibusque suæ Patriæ necessitatibus succurrendum alacriores sint, quo ampliores ab hac Sancta Sede gratias, & favores receperint; Illorum necnon dilecti filii Rectoris Collegii hujusmodi supplicationibus Nobis super hoc humiliter porrectis inclinati, de venerabilium Fratrum Nostrorum S.R.E. Cardinalium negotiis Propagandæ Fidei præpositorum consilio, eisdem Alumnis, ut eo temporis spatium, quo in Collegio prædicto se se continuerint, & Superiorum judicio in studiis profecerint, ad omnes etiam Sacros, & Presbyteratus Ordines, etiam sine Literis Dimissorialibus, nisi habeant Episcopos proprios, a quibus illæ obtineri poterint, cum ad Collegium diriguntur, & sine Beneficii Ecclesiastici, aut Patrimonii, titulo, ac etiam extra legitimarum ordinationum tempora dumtaxat tamen alias ad id reperiantur idonei promoveri possint, & valeant Apostolica auctoritate tenore præsentium concedimus; necnon de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis Scholaribus, qui in dictum Collegium recepti fuerint, in ipso ingressu, ac deinde in exitu, si quidem confessi, & contriti Sacram Communionem devote receperint, atque etiam si in eodem Collegio eos decedere ab humanis contigerit, in mortis articulo, plenariam omnium peccatorum suorum indulgentiam, & remissionem elargimur. Non obstantibus Apostolicis, ac in Conciliis Universalibus, Provincialibusque, Synodalibus editis generalibus, vel specialibus Constitutionibus, & Ordinationibus, cæterisque contrariis quibuscumque. Datum Romæ apud Sanctum Petrum sub Annulo Piscatoris die XI. Januarii 1543. Pontificatus Nostri Anno Vigesimo.

Preces Collegii.

§. 3. Cum autem sicut pro parte dilectorum filiorum Superiorum, & Alumnorum Collegii supradicti Nobis nuper expositum fuit, ipsi quo præsertim Pauli, quæ a piæ memoriæ Clemente Papa IX. Prædecessore pariter Nostro confirmata fuerunt, ac Urbani Prædecessorum Literæ firmius subsistant, & serventur exactius, Apostolicæ quoque Confirmationis Nostre patrocinio communiti, ac alias opportune sibi desuper a Nobis provideri, & ut infra indulgeri plurimum desiderent: Nos speciale ipsi Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, & censuris a Jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabilium Fratrum Nostrorum S.R.E. Cardinalium in tota Republica Christiana contra hæreticam pravitatem generalium Inquisitorum a Sede Apostolica specialiter deputatorum consilio, omnia, & singula privilegia, facultates, gratias, & Indulta Collegio, ejusque Superioribus, & Alumnis prædictis a memorato Paulo, & Urbano Prædecessoribus concessa, ut præfertur, emanataque desuper illorum Literas præsertim cum omnibus &

Confirmatio relatarum Constitutionum.

singulis in eis respective contentis, & expressis, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur & efficaciam adjicimus. Præterea, ut iidem Alumni ad Sacros etiam Presbyteratus Ordines hujusmodi non tantum extra tempora a jure statuta, sed etiam interstitiis a Sacro Concilio Tridentino designatis minime servatis, annique curriculo non excepto, ac tametsi in unoquoque ex dictis Sacris Ordinibus antequam ad alium promoveantur, se minime exercuerint, servata tamen ceteroqui earundem præsertim Literarum forma, & dispositione promoveri, & promoti in illis etiam in Altaris Ministerio ministrare libere, & licite possint, & valeant, auctoritate & tenore prædictis concedimus, & indulgemus.

Concesso suscipiendi Ordines non servatis interstitiis.

Clausula.

§. 4. Decernentes easdem præsentibus Literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S.R.E. Cardinales, etiam de Latere Legatos, & Apostolicæ Sedis Nuncios judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, necnon omnibus & singulis illis, quæ in præsertim Pauli, & Urbani Prædecessorum Literis concessa sunt non obstante, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die XXVII. Aprilis MDCXCIV. Pontificatus Nostri Anno Tertio.

Admittuntur ad fructum Indulgentiarum Ordinis S. Augustini Moniales Annunciationis B.M.V. Cælestes nuncupatæ.

LXXXI.

INNOCENTIUS PAPA XII.

Dat. 2. Maii 1696. An. 5.

*Ad futuram rei memoriam.*

Cum sicut dilectæ in Christo filiæ Moniales Ordinis Annunciationis B.M.V. Cælestes vulgariter vero *le Turbine* nuncupatæ Nobis nuper exponi fecerunt, ipsæ sub Regula S. Augustini cum peculiaribus Constitutionibus a fel. rec. Paulo V., & subinde ab Urbano VIII. Romanis Pontificibus prædecessoribus Nostri approbatis Deo famulentur, ac proinde Indulgentias ab hac Sancta Sede Ordini ejusdem S. Augustini concessis perfrui posse plurimum desiderent: Nos speciale ipsi Exponentibus gratiam facere volentes, & earum singulares personas a quibusvis Excommunicationis, suspensionis, & Interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes supplicationibus eorum nomine Nobis super hoc humiliter porrectis inclinati, de Venerabilium Fratrum Nostrorum S.R.E. Cardinalium Concilii Tridentini Interpretum consilio, easdem exponentes ad fructum omnium Indulgentiarum Ordini prædicto concessarum, auctoritate Apostolica tenore præsentium admittimus, salva tamen semper in præmissis auctoritate Congregationis eorumdem Cardinalium.

Preces Monialium, & causa Constitutionis.

Admissio prædicta.

Clausula.

§. 1. Non obstantibus quatenus opus sit Nostri, & Cancellariæ Apostolicæ Regula de non concedendis Indulgentiis ad instar, aliisque Con-